

⑤ 國家清史編纂委員會·文獻叢刊

六編

清代稿鈔本

第二九六冊

國家清史編纂委員會・文獻叢刊

六編

清代稿鈔本

第二九六冊

廣東省立中山圖書館  
中山大學圖書館

編

主編 桑兵  
副主編 李昭醇 程煥文 劉洪輝

SPM

南方出版傳媒  
廣東人民出版社

・廣州・

# 第二九六冊目錄

京報摘鈔

.....

# 京報摘鈔

不分卷

光緒二十三年七月至光緒二十五年七月

佚名輯

鈔本



丁酉京報

七月初六日

頭品頂戴浙江巡撫臣廖壽豐跪 奏為浙江省城專設書院兼課  
中西實學恭摺 奏明立案仰祈 聖鑒事竊臣於上年二月間遵  
旨議覆臣工條奏時務摺內陳明設學堂一條謹當隨時勸導舉  
行嗣經中外諸臣請將書院變通推廣先後奉 旨通行各省遵辦  
竊維居今日而圖治以培養人材為第一義居今日而育才以講求  
實學為第一義而講求實學要必先正其志趣以精其術業大學格  
致誠正修齊治平之道合古今中外而不易者也歐美諸邦學堂各  
千百計自髫齡入小學以大而中學而大學猶是家塾黨庠州序國  
學之制也若船學若礦務若種植若製造猶是講武訓農通商惠工  
之政也苟事事物務求其實朝考夕稽弗得弗措何學之不成亦

何事之不舉乃積相仍時變日亟病詞章帖括之不足恃而羣慕西學竊恐規摹形似剽竊緒餘借一二西語西文以行其罔利梯榮之故智不獨西學無成而我中國聖人之教且變而愈忘其本此臣之所大懼也查浙江杭州省城舊有敷文崇文紫陽學海詁經東城書院六所今方以制藝取士勢難驟為更張另設則無此經費惟有酌籌改併因勢倡導擇庠序有志之士獎進而培植之庶趨向端而成就易泰西各學門徑甚多每以兵農工商化驗製造諸務為切於時用而算學則其階梯語言文字乃從入之門循序以進漸有心得非博通格致不得謂之學成屏一切模糊影響之談而課其實事庶他日分布傳習愈精而成材亦愈眾臣疊與司道籌議並飭杭州府知府會商紳董就普慈寺後現有羣屋量加修治專設一院名曰求是

書院即委該府知府林啓為總辦延一西人為正教習教授各種西學華教習二人副之一授算學一授西文委監院一人管理院中一應事宜一面購置儀器圖籍由地方紳士保年<sup>送</sup>二十以內之舉貢生監飭據該總辦考取覆試接見詢問擇其行誼篤實文理優長並平日究心時務而無嗜好習氣者於本年四月二十日送院肄業但予獎賞不給膏火學以五年為限並明定規約妥立課程每日肄習之暇令泛覽經史語錄國朝掌故及中外報紙務期明體達用以孔孟程朱為宗旨將有得之處撰為日記按旬彙送查考每月教習以朔日課西學總辦以望日課中學年終由臣通校各藝分別等第勤者獎惰者罰不率教者斥優異者存記另選繙譯之人譯述各種有用之書為振興學校之助所有常年經費如教習繙譯監院及司事

人等新修工資並獎賞火食等每年需銀五十餘兩此外尚有隨時購置儀器圖籍暨學生紙筆一切雜用不在此數除將東城書院每年膏火銀一千餘兩全數撥用外於各書院獎賞存典生息項下歲提息洋三千元有奇及各局裁省減併共洋四千元有奇合之數不及萬均未動支正項當此開辦之始規封不敢過侈俟經費稍充再圖展拓省外各府屬經臣分札飭辦如甯波紹興金華湖州台州嚴州温州海甯等屬或就書院加課或設學堂專課各視經費多寡議章開辦亦均未請動公帑臣當隨時督察冀收實效將來該書院學生學業成就如有才能超異者由臣咨送總理衙門考試以備器使各府屬學生有可用之才由該府稟請調省考驗一體咨送以廣出身而資鼓勵除咨總理衙門及禮部外謹會同杭州將軍臣濟祿恭摺具奏伏乞 皇上聖鑒謹 奏奉 硃批該衙門知道欽此

府憲傳 札歸安縣知悉查接管卷內光緒三十一年正月初四日奉

督辦浙江全省學務處憲 札開本年十二月初一日奉

撫憲聶 札開光緒三十年十一月二十二日准

高等學堂監督陶 文開竊照學堂之設以一師教一班本意取課程齊同在堂學生若出應歲科試必致參錯不齊其道路稍遠者借端耽延於師生均多棘手難求定效奉發

奏定學堂章程未畢業學生不准應試而優予畢業學生之出身足以杜作輟而勵寔學敬監督曾於本年

八月中移請

學院陳 核定截止各學堂學生出應歲科試旋於十月中准

學院移覆內開候試畢回省會同

貴部院察核辦理敬監督於本月二十一日又移

學院一牘續陳愚見將兩次移稿粘抄呈請鑒核會同

學院酌商定奪并行學務處知照呈請查照等因到院除咨

學院外札處即便移行知照等因奉此除移行外合行飭知札府即便移飭一體知照毋違等因奉此合行轉飭札到該縣即便移學一體知照毋違特札 光緒三十一年二月十二日發 二月十四日奉到

計粘抄

為移請事案照光緒二十八年

欽定大學堂章程第四章第七節內開各學堂肄業文章遇歲科試准其選送院試其府縣試一律免考等因是以本堂各生每遇歲科試懇請照章移送送蒙

貴學院核准收考在案嗣於本年四月初三日奉

撫院聶 發到光緒二十九年十一月

總理學務大臣奏准頒行之學堂章程到堂其第一冊學務綱要內載未畢業學生不准應鄉會試歲科考等語其第二十冊獎勵章程內載高等學堂學生畢業作為舉人以中書知州知縣用中學堂畢業作為優拔貢小學堂畢業作為廩增附生等語是獎勵極優果能有恆心不患無功名較之向日科舉更有把握各項學堂皆應遵照辦理旋准

杭州府宗 移開本年五月二十七日奉

貴學院牌開准

禮部劄開山東學政咨稱恭照

欽定大學堂章程學生鄉試歲科考一節另擬章程三條咨請立案

禮部准即立案並通行各省一律遵照仰府移知高等各學堂一體出示遵辦等因准此敕監督查山東學院另擬章程所載各語尚係申明舊章與新章絕不相符未敢繕貼告示而各府縣多已出示敕堂學生援此說以求應考勢難強制現在金華溫州各生紛紛請給文離堂敕監督通融取悅原無不可惟學堂授課以合班齊等為要不容一日間斷若因考試曠課數旬雖仍來與課已不合原班程度教員與學生諸多窒礙平時分心力以治考卷於學堂各項課程自難兼營既有歲科考為退步則在堂鹵莽滅裂之弊安能滌除官吏之籌設學堂與子弟之留堂肄業概成虛文學堂辦事人員尸素其間於心奚安且學生識量多隘往往參差告假扣算膳金錙銖爭論如此情形於學界亦多棘手敕監督愚以為如欲考試可不入學堂既在學堂即不便考試自來新章行則舊廢況新章既奉

上諭准行而學務綱要內載此後各學堂俱應按照規定章程奉行雖未能事事吻合總當漸趨一轍

山東學院所擬祇有第一條防生員藉學堂規避歲科試先由學堂報明學院事屬可行其第二第三兩條但須不令學生投考便無藉此繁文敕監督檢閱即鈔

山東撫院周 會同

山東學院戴 奏報該省學堂情形摺內有按照規定章程實事求是之語是山東學院所擬已不能行於東省

禮部據咨分札各省殆由事冗未經詳察然

朝章不宜背士心不宜紊敝監督特請

貴學院截止各學堂學生出應歲科試究以何日何府為始核定示知俾曉諭肄生專心力學共邀卒業  
後之優獎以遵

諭旨而一風氣將來學額遞減至盡歲科試停止學堂功課歸學院考察此奏准之案諒早蒙

鑒及毋待贅述為此移請

貴學院查照迅速見覆施行須至移者

為移請事案照敕監督前請截止各學堂學生出應歲科試旋准

貴學院移覆內開本院歲各府時將告竣至所請以何日何府為始截止各生離堂應試以免曠課失學  
不合程度教員與學生諸多窒礙一時猝難定奪現今各省大小學堂均未一律辦齊即章程亦恐非均  
能一律想丙午科為始遞減學額彼時必另有漸趨一轍章程且

山東撫院會同

學院所奏按照現定章程實事求是之語如何情形亦未據

禮部劄知有案是以本院擬俟試畢回省應如何斟酌損益之處會同

撫部院察核辦理相應先行移覆為此合移請煩查照施行等因准此敕監督細繹

大文深佩慎重之意惟恭查

諭旨丙午科為始遞減學額俟各省學堂辦齊再將科舉學額停止是指堂外考試之人而言若堂內學生自應遵守新章

諭旨已明言立法周備者即次第推行矣倘在堂學生須至丙午年截止出堂應試則新舊政令淆雜丙午以前學堂勢同虛設又何推行章程之可言且新章學務綱要內未畢業學生不准應試一條內開各學堂畢業學生定有出身與科舉無異在學堂受業期內概不准另應鄉會試歲科考及各項考試以免曠日分心延誤學期畢業生離堂後如在科舉未停以前願應鄉會試及各項考試者聽便云云是畢業生可應試在科舉未停以前則上文未畢業學生不准應試亦在科舉未停以前不待煩言而明應請

貴學院商之

撫部院熟籌處置敕監督行將受代本可無庸饒舌所以不憚煩瀆者非敢逞其臆見緣從事學堂將及兩載深知學生兼應考試室礙殊甚凡在學堂辦事人所見相同不停學堂以內人應試則學堂必無功效屆丙午年安知不有人謂學堂既無效科舉不可罷如此則新舊衝突變態百出今日少年守舊者將

順與否不關大局之損益其維新者見新舊政令淆雜願望既乖便入激烈派發為議論如響斯應雖舊者未嘗不靡然從之維繫將散之人誠在新政新政以學堂為基學堂以畫一為先故敢貢其愚見聊備採擇為此合移

貴學院請煩查照施行須至移者

府憲傳 札歸安縣知悉光緒三十一年二月初六日奉

督辦全省學務處憲 札開光緒三十年十二月十九日奉

撫憲聶 札開光緒三十年十二月初五日准

學院陳 咨開准

總理高等學堂陶 移稱發到

總理學務大臣奏准學堂章程學務綱要內載未畢業生不准應鄉會試歲科考請以何日截止何府為始核定示知等因查畢業生領有憑照未經考取收入者如在科舉未停以前願否應試各聽其便則在堂肄業之未畢業生不准應試亦在科舉未停以前已在言中既據移稱擬請以何府何日截止各生離堂應試以免曠學分心本院科試擬定明正出棚或即行通飭截止或俟科試告竣截止新政攸關似難

擅擬咨商示復等因到本部院准此查此案前准

陶監督抄稿呈送即經分別咨行在案准咨前因查學堂未畢業學生既有不准應試專條似應遵照奏定學堂章程辦理除咨請

學院咨商

京師大學堂總理監督酌辦示復外札處即便移行知照等因奉此查此案前奉

撫憲札准

高等學堂監督陶抄移咨呈行處知照等因即經移行知照在案茲奉前因合再通飭札府即便分別移行知照毋違等因奉此合行轉飭札到該縣即便知照毋違特札

光緒三十一年二月十六日 二月二十日奉到

稟報卑邑東白書院改設高等小學堂開辦日期並呈章程由

敬稟者竊維興學育才開通民智為當今變法自強第一要圖上年卑職督同城鄉紳士以書院改設學堂曾將籌款興辦緣由一再稟陳

憲鑒查卑邑東白書院屋宇窄小齋舍無多未合學堂程式祇以創建無資隨提用書院原有存款洋一千元并另撥公款洋五百元庀材鳩工借書院西邊縣丞基添造講堂齋廡二十餘間於去年冬底落成嗣奉憲臺核准停提一年郡城孝廉堂經費錢二百四十千作為開辦之需等因即經卑職會集紳董仿照

京師大學堂奏定高等小學堂擬章酌訂章程購置器具書籍延請中學教習算學教習各一人議定正額學生二十名附額學生十六名以年二十以下資質聰俊文理明順者為合格由地方給看結保考取足額送入學堂業於本年正月二十日開學所定功課欽遵

諭旨以四書五經綱常大義為歷代史鑑中外政治為輔三年卒業升送郡城中學堂考驗學業其堂內諸務繁蹟設立總理以董其成監督專司監察並設董事以分理壹是庶幾有條不紊惟是常年經費教習脩脯與夫一切開支約需洋一千三四百元該書院舊有進款歲祇錢五百七八十串除鹽稅存洋一千元業已提用每歲少收息洋一百元又田租錢七十餘千向為生童月課膏火之資此次改書院為學堂每月朔望仍議由堂附課俾寒士不抱向隅外其餘所入不敷所出卑邑民貧地瘠無可勸捐雖經卑職於每